

八年乙丑秋蝗飛蔽天歲大飢

九年庚寅秋河決没禾地平水深丈餘濤聲若雷

溺死者數百十人時賴郡守陳公賑救之

十一年春三月不雨至六月淫雨

十七年戊戌夏六月大水河決如前郡守呂公如例賑救

二十三年甲辰夏六月大水秋七月復大水河

決平地水深丈餘歲大飢郡守歐公亦如例賑救之

第十卷雜志

雜志何志雜事也雜事何志焉志以紀事也貴約而盡矧寓賢疑蹟存之而觀感興焉稽之而

下 六十九

聞見資焉固事之不可廢焉者庸可不紀之耶
作雜志

元高唐令郭侃華州鄭縣人世祖時為令兼治

武城甚有惠政邑人具乞兒反侃嚴防守計勦

捕竟討平之後知寧海州興學課農吏民畏服

國朝定襄烈女姚玉果玉香二女邑簿廷玉女也家

世山西定襄人居常貞靜寡言笑正德辛未從

父任歷此時賊陷武城二女為賊所獲欲汙之

厲聲罵曰吾輩縉紳名流肯陷身狗虜耶賊露

刃驅之出西郭逼脅登渡女忽為好語詒之賊

喜舟及中流二女相携踊躍曰得所矣遂投溺
浮沉里許至城北有一老嫗望見哭令救之上
玉果已死王香竟有微息嫗素善醫以藥投之
嘔腹水斗許而甦賊平有司上其事得蒙

旌表玉果墓

見墟墓

遊擊將軍許泰泰京師人正德辛未劉六楊七
亂武城首擣其鋒時泰為遊擊將軍奉

命追討大肆勦捕邑賴以全壬申四月賊再舉攻城
泰用竒計由臨清別道出其不意遂大破之至
今有遺愛云

下

七十

東昌太守陳公公諱儒錦衣衛人癸未進士嘉
靖九年出守東昌時大水滄沒邑民飢甚不辨
官輸公賑恤方出郡藏以代歲賦民甚德焉間
乃請諸當道立祠祀之前令趙時勉夏津令易
時中皆能附公存恤乃今亦得配祀于祠厥後
復兩罹大水郡守呂歐二公循茲羨意遂多所
蠲貸一邑賴以延活孰非公之流澤哉
祠見
祀典

耿將軍墓石
字剗磨滅
不可辨識

雙塚在雙塚屯二塚相依壘然可望里人相傳
為有神姑國初時士民祈禱每有徵應歲久人

遷不復靈怪其為斷隴遺阡莫可考信

羊角旋風 熙寧九年恩州武城縣有旋風自東南來望之挿天如羊角大木盡拔俄頃旋風卷入雲中既而漸近乃經縣城官舍民居畧盡悉卷入雲中縣令兒女奴婢卷去復墜地死傷者數人民間死傷亡失者不可勝計縣城悉為

丘墟遂移今縣 筆談

附釋字志 廟附

歐陽子曰佛氏虛寂之教卒不齒於儒紳而世每崇奉之者以其有為善之說也未世滋偽善

七十一

念湮微歐公其亦有所感耶是故附之

寺宇 釋迦寺 在縣治東南 大悲寺 在鄭屯 觀官寺 在祝屯

浮雲寺 在占屯 三鳥寺 在曹屯 龍行寺 在鄭家口 淨河寺

在兀屯 青龍寺 在阜屯 五臺寺 在李家店 慶林寺 在陽店 三

教寺 在傳屯 卧佛寺 在劉屯 興國寺 在舊縣 石佛寺 在城

南 正覺寺 在火旁 崇興寺 在南屯 清涼寺 在河北

神宇 地藏廟 在城南許里 三官廟 在西南門外

金龍四大王廟 存河東岸 北極廟 在北城門外

武城縣志卷之下終

武城誌後序

己酉秋余計偕北上舟渡武城停棹於河之滸入其境則見白叟黃童悉頌德青衿白指濟之象賢喟然而嘆曰茲邑也其有古之遺乎因慨然思古吳公言氏之烈問道河西瞻拜祠下復登絃歌之臺望城明之廬將起言氏於九原求其所謂禮樂者而學之或曰武城魯下邑

茲邑在齊右春秋時為東武城遺碑古蹟雖往之而在然非言氏之舊矣余應之曰地以人重名以實稱茲邑名則武城矣使有聞其風而興脩復言氏之故則謂魯之武城也亦宜於是始知尤見洲君宰武城亦言氏之徒也茲春余試禮曹數奇因家君致政乞教為養計天曾命教是邑始至謁見洲君溫良愷悌煦然可親

傾蓋間如坐春風箇月每相讌會曾談
民間疾苦則於興利祛害種々有條緩
謂學校所以明倫文詞且非所先日餘出
邑史相示余披閱始末政之因革人之臧
否固不畢陳而於學校田賦獨加詳焉
乃知昔時所覩民俗之淳士風之雅皆見
洲君三年有成明徵也余不敏奉是誌以
教多士可無用改轍後此而宰者民情

治辭且盡於二帙間矣然則見洲君之宰
武城澤被一時其愛人也大其志武城法
垂於後其愛人也遠茲固學道之驗禮
樂其有與乎若謂古今之人不相及以絃
歌為絕響也則非見洲君誌武城初意
亦非吾儕所以自厚其身者因書此以質
諸見洲君曰然遂序諸末簡

嘉靖庚戌仲秋望日署武城縣學教

亭前陽少麓林廷邦頓首謹序

